

## AYUNTAMIENTOS

### MONDOÑEDO

#### *Anuncio*

Rematado o período de exposición pública do anuncio publicado no Boletín Oficial da Provincia nº 256 de 8 de novembro do 2010, referente a aprobación inicial polo Pleno da Corporación do Concello de Mondoñedo, en sesión celebrada o 30 de setembro do 2010 do Regulamento dos Réximes de visitas guiadas á Cova do Rei Cintolo (Mondoñedo-Lugo) e actividades deportivas xerais, dando cumprimento o disposto no R.D. Lex. 2/2004, de 5 de marzo, polo que se aproba o Texto Refundido da Lei Reguladora das Facendas Locais, faise público o texto íntegro do Regulamento.

#### **REGULAMENTO DOS REXÍMENES DE VISITAS GUIADAS Á COVA DO REI CINTOLO (MONDOÑEDO, LUGO) E ACTIVIDADES DEPORTIVAS XERAIS**

O Excmo. Concello de Mondoñedo considera que a cova do Rei Cintolo é un elemento natural de especial interese patrimonial e medioambiental e, como tal, considera que debe ser protexida e conservada, pero tamén debe poder visitarse dentro duns parámetros que permitan esta conservación e goce da mesma sen levar a cabo actividades contra os especiais valores que a definan.

Considerase tamén que dado que é un entorno natural en estado virxe presenta unha serie de dificultades que deben ser tidas en contas para a realización dunha visita segura en todas as modalidades posibles.

Por todo iso elabórase o presente regulamento que establece o réxime de uso e as medidas de seguridade precisas para levar a cabo visitas nas dúas modalidades existentes: visitas guiadas organizadas por parte do Excmo. Concello de Mondoñedo e visitas sen guía a realizar por grupos de espeleólogos federados coa licenza federativa en vigor.

#### DISPOSICIÓNS XERAIS

##### *Art. 1.º Ámbito de aplicación e finalidade .*

O presente regulamento afecta á cavidade coñecida como Cova do Rei Cintolo sita neste concello, entre os núcleos de Supena e Orxal, na parroquia de Argomoso, sendo a súa finalidade regulamentar a organización e realización de actividades deportivas, xa sexan visitas guiadas ou sen guía, ou de outra índole na mesma. E tamén para preservar o ecosistema da cova e a seguridade dos seus usuarios.

##### *Art. 2.º Dos profesionais.*

O concello disporá de persoal propio ou por conta allea para o desenrolo das diferentes actividades que este organice e realice dentro da cavidade e estas axustaranse sempre á normativa aquí establecida.

O concello disporá tamén dun servizo de emerxencias que garanta unha posible evacuación dende o interior da cavidade sendo este propio ou por conta allea.

#### VISITAS DEPORTIVAS. VISITAS GUIADAS

##### *Sección 1.ª — O /A Guía*

##### *Art. 3.º Incorporación.*

Segundo a lexislación vixente

##### *Art. 4.º Requisitos.*

Poderán incorporarse a como guía as persoas que cumpran as condicións establecidas nas bases de contratación aprobadas segundo a lexislación vixente en cada momento, pero terase en conta, valorando ese mérito nas

bases, o feito de posuír o Diploma Acreditativo de Primeiros Auxilios actualizado e o Diploma Acreditativo de Rescate en Cavidades.

En caso de non posuílo e saír elixido para o posto o/a candidato/-a deberá realizar os cursos precisos para poder contar cos dous diplomas.

*Art. 5.º Desenrolo da súa actividade.*

O desenrolo da actividade do guía enmarcarase nos procedementos de traballos en espazos confinados (NTP 223) e dotarase dos Equipos de Protección Individual (EPI) para o desenrolo de dita actividade, sendo estes:

Casco EN 397

Arnés EN 358, EN 361 e EN 813

Luvras de traballo

Funda de traballo

Iluminación o amparo da normativa ATTEX

Botas de traballo con fondo especial adherente e con fácil eliminación de auga.

*Sección 2.ª – Os visitantes Guiados*

*Art. 6.º Solicitud.*

Farase unha solicitude para facer as visitas cun mínimo de antelación a establecer en cada tempada, pero sempre cunha antelación mínima de 30 minutos á hora especificada para as visitas guiadas á cavidade.

Estas solicitudes faranse, en persoa, vía teléfono ou e-mail, na Oficina Municipal de Turismo de Mondoñedo ou en calquera outro lugar que o Concello estableza a tal efecto.

Na mesma haberá que especificar un individuo que encabece nominalmente a reserva e deberá indicar si no grupo hai menores de idade ou maiores de 65 anos.

A idade mínima de acceso á cova establececese en 12 anos.

Para poder facer efectiva a visita todos e cada un dos visitantes deberán asinar unha declaración xurada de non padecer enfermidades ou diminucións físicas que podan desencadear riscos ou accidentes no interior da cova ao longo da visita: enfermidades cardiorespiratorias, enfermidades osteoesqueléticas ou fobias.

*Art. 7.º Equipos de Protección Individual.*

O concello porá a disposición dos visitantes os EPI homologados necesarios para o desenrolo da visita, que constaran de:

Casco, iluminación, luvras e mono

VISITAS DEPORTIVAS. VISITAS SEN GUÍA

*Art. 8.º Acceso de visitantes sen guía*

So se permitirá o acceso sen guía aos espeleólogos federados previa solicitude perante o Sr. Alcalde – Presidente do Excmo. Concello de Mondoñedo segundo os modelos establecidos e que se recollen nos anexos desta normativa.

A idade mínima para a Galería Central será de 12 anos con licenza federativa infantil de espeleoloxía en vigor e sempre acompañados dun adulto con licenza federativa de espeleoloxía en vigor.

A idade mínima para o resto da cova será de 14 anos con licenza federativa xuvenil de espeleoloxía en vigor e sempre acompañados dun adulto con licenza federativa de espeleoloxía en vigor.

Os grupos non poderán ser menores de 3 persoas e non excederán as 10. Ademais cada grupo debe contar cun responsable. Cada responsable pode selo só dun único grupo nun mesmo día. Para ser responsable de grupo débese contar cunha licenza federativa de maiores ou adultos de espeleoloxía en vigor.

O máximo de grupos ao mesmo tempo dentro da cavidade son 3.

#### Art. 9.º *Solicitudes*

Na solicitude incluíranse todos os datos do responsable e listado nominal con DNI de todos os visitantes así como do tipo de licenza que posúen. Así mesmo día ou días de entrada e horas de entrada e saída.

Na mesma comprométese a acatar as normas de visita e uso e comprométese a garantir que non interferirán nas visitas guiadas organizadas polo Excmo. Concello de Mondoñedo.

Así mesmo, dende o Concello, explicaráselle as medidas a tomar en caso de emerxencia.

Adxunto a solicitude deberanse indicar as galerías polas que ten previsto facer a visita, co fin de que se hai una emerxencia sexa mais fácil a súa localización. Esta indicación pódese facer mediante a indicación das mesmas nun plano ou mediante relación nominal. En todo caso haberá en entregar un plano coa indicación de por onde vai a discorrer a visita no momento de recoller a chave de acceso á cavidade así como deixar un número de teléfono de contacto.

A solicitude deberá presentarse cun mínimo de 48 horas de antelación e sempre antes do venres ás 14:00h. vía e-mail no enderezo [visitas.espeleo.reicintolo@gmail.com](mailto:visitas.espeleo.reicintolo@gmail.com)

#### Art. 10.º *Entrada á cova*

A entrada á cavidade será facilitada por un traballador do Concello ou un representante que nome o mesmo, polo que deberá avisarse das horas de entrada e saída na solicitude.

As visitas terán que comezar a partir das 7:00h e rematar antes das 23:00h horas tope de recollida e devolución da chave da cova nas dependencias da Policía Local. As visitas en días seguidos implican a devolución da chave ao rematar a actividade do primeiro día e a recollida da mesma antes de comezar a actividade no segundo día e así sucesivamente en cantos días se estructure a visita.

En calquera momento poderá solicitarse a licenza federativa dos visitantes polo que no caso de non levala consigo non se poderá acceder o interior.

#### Art. 11.º *Prohibicións*

No interior da cavidade, queda prohibida toda iluminación que non sexa eléctrica, ben sexa de batería ou pilas.

Prohíbese a instalación de todo tipo de ancoraxes artificiais que precisen da perforación das rochas.

Prohíbese o acceso sen levar a licenza federativa con un mesmo, así como entrar sen os EPI necesarios:

Arnes EN 12277

Casco EN 12492

Guantes

Botas

Mono

Descensor EN 341

Mosquetones 12275

Bloqueadores EN 567

#### DEREITOS E DEBERES DO GUIA

##### Art. 12.º. *Dereitos.*

Son dereitos do guía:

- Recibir a información adecuada para o desenrolo do seu traballo.

- Recibir a información dos riscos específicos e os medios adecuados de protección persoal.
- Recibir os EPI necesarios.
- Recibir formación técnica sobre primeiros auxilios, rescate e salvamento no interior de cavidades.

#### Art. 13.º. *Deberes*

Son deberes do guía:

- O cumprimento integro desta norma.
- O coñecemento do plan de emerxencia e do protocolo a seguir en caso de emerxencia.
- Velar pola seguridade dos visitantes o longo da visita.

#### DEREITOS E DEBERES DOS VISITANTES

##### Art. 14.º. *Dereitos.*

Son dereitos dos visitantes:

- Recibir a información adecuada para realizar a visita.
- Recibir a información dos riscos específicos e os medios adecuados de protección persoal para realizar con seguridade a visita.
- Recibir os EPI necesarios para realizar a visita.

##### Art. 15.º. *Deberes.*

Son deberes dos Visitantes os seguintes:

- O cumprimento integro desta norma así como das indicacións e ordes que o guía dea o longo da visita.
- A presentación de todos datos ou documentos acreditativos que se solicitan para facer a visita.

#### INTERVENCIÓN E RESCATE

##### Art. 16.º *Intervención e rescate.*

O Concello de Mondoñedo suscribirá un convenio co grupo de rescate da asociación de bombeiros de Galicia para o desenrolo dun protocolo para casos de emerxencia así coma a realización dos posibles rescates que poidan producirse, quedando como número de emerxencias o 618292962

##### Art. 17.º *Funcións da Asociación de Bombeiros de Galicia.*

A Asociación de Bombeiros de Galicia actuará sempre a petición directa do guía, policía local, alcalde ou calquera outro integrante do goberno municipal, así coma da garda civil e 112.

Os integrantes desta asociación non so se encargaran das emerxencias, se non que darán a formación necesaria o guía en materia de rescate e salvamento. Ademais, tamén velaran polo cumprimento integro desta norma, dando parte os órganos de goberno municipais de calquera anomalía por parte dos usuarios.

##### Art. 18.º *Excepcións.*

Calquera suposto non contemplado no presente regulamento deberá ser analizado por individual e resolto en Xunta de Goberno Local sentando as bases para actuacións futuras no mesmo suposto.

##### Art. 19.º *Derogacións.*

Coa aprobación do presente regulamento quedan derogadas todas aquelas normas de uso anteriores que o contradigan.

## ANEXO I

## Declaracións xuradas visitantes con guía.

Eu D. /Dna. (Yo D. / Dña.)

con DNI\_\_\_\_\_declaro baixo xuramento que descoñezo padecer enfermidades cardiorespiratorias, enfermidades osteoesqueléticas ou fobias que podan dificultar ou impedir a miña visita á Cova do Rei Cintolo.

*(declaro baixo juramento que desconozco padecer enfermedades cardiorespiratorias, enfermedades osteoesqueléticas o fobias que puedan dificultar o impedir mi visita a la Cova do Rei Cintolo)*

En Mondoñedo, a.....de.....de 2.....

## ANEXO II

## Solicitudes para visitas espeleolóxicas sen guía

## SR. ALCALDE / PRESIDENTE DO EXCMO. CONCELLO DE MONDOÑEDO

D. /Dna.	
N.º Carné federación / Tipo licenza	DNI
Clube	Poboación e Provincia

Como responsable da visita espeleolóxica á Cova do Rei Cintolo que se pretende levar a cabo o día.....do mes de.....do ano.....

a partir das.....horas e ata as.....horas, solicito a chave da mesma para proceder á citada visita.

A relación de participantes que van a integrar o grupo, (incluíndo na relación ao responsable), todos con licenza federativa, son os que seguen:

	<b>Nome</b>	<b>Tipo Licenza</b>	<b>DNI</b>
1			
2			
3			
4			
5			
6			
7			
8			
9			
10			

INF= Infantil; XUV= Xuvenil; MAI =Maiores / Adultos

Todas as persoas antes indicadas dispoñen da licenza federativa válida para a práctica da Espeleoloxía, proporcionada pola Federación.....de Espeleoloxía, así como o correspondente seguro deportivo con vixencia na data de realización que cubre todos os riscos de accidentes, rescate, asistencia, evacuación e responsabilidade civil para todos os membros que participan nesta actividade.

En.....a.....de.....de 2.....

Asinado:.....

**AS PERSOAS AUTORIZADAS**  
**COMPROMÉTENSE EXPRESAMENTE A:**

- Cumprir todas as normas establecidas polo Concello de Mondoñedo, ou aquelas que se establezan particularmente para o desenvolvemento das actividades obxecto da presente solicitude.
- Respetar o medio soterrado e o seu entorno.
- Dar todo tipo de facilidades ás autoridades competentes, para que se verifique o desenvolvemento da actividade e do cumprimento das normas xerais ou específicas das correspondentes autorizacións.
- Comunicar ás autoridades competentes todas aquelas situacións ou circunstancias que podan afectar á conservación das cavidades e o seu entorno.
- Non obter beneficio económico directo ou indirecto, nin ter obtido ningunha contía económica privada ou colectivamente derivada da visita á cavidade.
- Procuraranse que as horas de entrada e/ou saída dos grupos non coincidan cos grupos organizados polo concello para visitas á Galería Central (12:00, 17:00 e 18:30 horas). Así mesmo a visita á Galería Central (parte máis alta da cova) está restrinxida por esa mesma causa e nas mesmas horas. As visitas a esta zona por parte do Concello veñen ocupando un espazo aproximado dúas horas, a partires diso queda a zona tamén aberta a grupos de espeleoloxía.
- A chave recollerase na Policía Local de Mondoñedo (Casa do Concello) o mesmo día da actividade.
- As solicitudes presentaranse debidamente cumprimentadas perante a Policía Local no momento de recoller a chave.


**Previamente** remitirase a **data, a relación de participantes e o/a responsable** vía e-mail á seguinte dirección [visitas.espeleo.reicintolo@gmail.com](mailto:visitas.espeleo.reicintolo@gmail.com) Esta relación deberá ser remitida con un mínimo de **48 horas antes** do día da visita e sempre antes das 14:00h do venres.

**NORMAS XERAIS DAS VISITAS DEPORTIVAS:**

- Non está permitido o uso de iluminación contaminantes (carburo). Soamente se pode empregar iluminación eléctrica.
- Os grupos de deportistas non serán superiores a 10 persoas. Permítense un máximo de 3 grupos á vez no interior da cavidade.
- Retirarase todo tipo de lixo que se atope no interior da cavidade.

En.....a .....de.....de 2.....

Asinado.:.....



En Mondoñedo, a 17 de xaneiro do 2011.- O Alcalde

R.0252